

循化志

卷之六

祠廟
寺院

人物

循化志卷之六

閩中海峯龔景瀚編

金臺星泉李本源校

祠廟 寺院附

關帝廟在東門內大街雍正八年原任翰林院編修
張縉効力建

城隍廟在大街關帝廟後未知何時建

按循化諸事草創祀典未備惟文廟祭祀銀在
司庫支領武廟春夏秋三季皆同知捐辦也外

循化志

卷六 祠廟

一

此山川社稷風雲雷雨及厲壇皆未建立

河源神廟在城北黃河南岸距城不及里雍正九年
奉

旨建

雍正八年四月十二日內閣奉

上諭古稱黃河之神上通雲漢光啟圖書禮日三王之
祭川也皆先河而後海此之爲務本惟神澤潤萬國
福庇兆民自古及今功用昭著我朝自定鼎以來仰
荷神庥尤爲彰顯或結爲冰橋以濟師旅或淤成禾

壤以惠黎元或湧出沙洲作天然之保障或長成隄岸屹永固之金湯他如濟運通漕安瀾順軌有禱必應無感不通至於澄清於六省之遙閱歷於七旬之久稽諸史策更爲罕聞神之相佑我國家者至矣朕敬禮之心至爲誠切因念江南等處皆有廟宇虔恭展祀而河源相近之處向來未建專祠以崇報享典禮亟宜舉行查河源發於崑崙地隔遙邊人稀境僻其流入內地之始則在秦省之西寧地方朕意此地特建廟宇專祭河源之神敬奉蒸嘗以答神貺其如循化志

卷六 祠廟

二

何加封神號及度地建廟一應典禮着九卿悉心詳議具奏欽此

五月十五日禮部會題臣等伏查史冊所載漢祠河於臨晉宋令澶州置河瀆廟進號顯聖靈源公春秋致祭禱之有應明以河瀆發源崑崙亘絡中土潤物養民澤被於世特行致祭

本朝會典內開順治二年封黃河神爲顯佑通濟金龍四大王之神康熙三十九年加封黃河神爲顯佑通濟昭靈効順金龍四大王尊崇之典視前代

有加仰荷神庥屢昭符瑞居民有奠安之慶漕艘無阻隔之虞而且化險爲平淤沙成沃靈顯屢著現今江南河南等省俱建廟宇崇祀而河源相近之處尚未建祠臣等查得黃河發源西番枯爾坤山東流北折合番地諸水通積石山河流始黃經河州之長甯驛流入中國應行令該督撫委賢員於河州口外選擇潔淨寬敞之地建立廟宇專祀河源之神選擇相度既定規模繪圖呈覽并估計工料動用正項錢糧敬謹建造設立神像每

循化志

卷六

祠廟

三

年春秋該地方官擇吉照例致祭其加封神號字樣交與內閣選擬進呈

御覽恭候

欽定 十七日奉

旨依議

廳卷

七月河州顧詳查州西積石關乃大禹導河舊地爲黃河入中國之始今奉部示令於河州口外建造廟宇應于積石關外濱河地方選擇潔淨寬敞之處敬修謹建職於本月初五日由積石關出口

查有相距積石七十里之草灘壩地方卽新建撒喇城堡之處其地潔淨寬敞面臨黃河允宜建廟且附近營堡卽令營員率同土千戶韓炳韓大用等就近稽管亦屬妥便十一月河州顧署河州協張會詳積石關外黃河環遶於北廟貌自宜向南而神像又須閱視河流今職等公議大門二門大殿寢殿俱南向以昭享祀之誠復造望河一樓於寢殿之後另塑神像面臨黃河以便巡閱會同估計造冊實需工料銀五千三百五十七兩零

循化志

卷六

祠廟

四

九年四月二十一日興工十月十二日工竣十年造冊節省銀九十一兩零十二年自行核減銀一十六兩零部減銀六十七兩零

州卷

御製建廟記四瀆之中河爲大自星宿發源經行數千里而入中國亘絡坤維澤潤九宇方望之祭三代以來尚矣我國家敬共明神欽崇祀事精禋昭格靈貺丕彰南北隄工安瀾底績漕艘利濟輸輓以時抑且引河自汕於中浚沮洳悉淤爲沃壤澄清千里經歷三旬上瑞光昭鴻庥屢著兗豫江淮之

境各建廟宇春秋展祀尊崇令典視前代加虔顧
河源所自廟貌闕然於禮未稱朕念崑崙遠在荒
徼命使不能時至而禹貢有導河積石之文考其
地在今西寧河州境內黃河流入中國自此始則
建廟以祀河源之神實惟此地爲宜迺命禮官詳
議勅甘肅撫臣於河州相度善地恭建新廟高門
廣殿肅穆宏深發帑鳩工專官董役雍正九年冬
十月告成朕親灑宸翰賜額口福佑安瀾先是

諭旨甫頒經營伊始雍正八年六月之望河州有慶雲

循化志

卷六

祠廟

五

捧日之瑞自午至申萬家瞻仰七月五日臨洮道
臣相地積石關外見河流澄澈上下百有餘里徹
底瑩潔凡三晝夜同時入告共慶嘉祥朕惟河嶽
山川均爲造化之功用而潤澤廣遠利賴溥被惟
河最靈河神之福國佑民歷有明驗今茲立廟之
地顯著休徵益以知天心降鑒感則必通神德昭
明誠無不格爰誌建廟歲月揭諸貞珉兼紀明神
顯應之蹟垂示永久以昭朕夙夜懋勉恭承天眷
敬迓神庥之至意云雍正十年四月二十五日

御製祭文維雍正十三年歲次乙卯三月辛未朔越七

日丁丑

皇帝遣太常寺卿王潯致祭於河源之神曰惟神源濬
崑崙精符星漢滙百川而東注潤下成能亘萬里以
西來安瀾奏績肅將彝典敬答明神朕軫念民生厯
懷河務惟是東南之澤國實資西北之河源自三門
九曲以朝宗洪波易激合萬派千源而注海巨浪盪
臻每當歷歲之夏秋倍切焦勞於宵旰乃蒙神鑒錫
以鴻庥湍悍無虞順中浚而直下隄防孔固束大溜
循化志

卷六 祠廟

六

以安流輸輓連檣羣資利濟籌車載道共樂豐登皆
神明默護於上游以致慶全河之順軌昭茲靈貺感
切朕心特遣專官虔申祀事神其廣垂嘉佑宏贊平
成惠我羣黎永綏多福庶幾歆格鑒此精誠

廳卷

按廟工告成雍正十年亦有遣官致祭之文其
碑與前二碑俱在廟中而廳卷無之當補錄

太常寺卿王潯奏竊臣齋

旨往祭河神一入甘省界百姓扶老攜幼歡呼跪接致
祭之日番族回日四遠畢至清晨淡雲微風禮畢

絲雨繽紛一時與祭官弁共慶

聖主精誠天人協應臣詢之鄉老皆言此間土燥風高
雨澤稀少自建廟以來屢歲豐收家室盈實皆
聖德之昭格也臣查現設殿閣三層左右配有兩廡前
殿設福佑安瀾扁額已經

御書後殿未立扁額我

皇上恪恭祀典臣懇於萬幾之暇親灑宸翰自京頒往
則天章璀璨益足以迓神庥而啟民敬更請易土
垣爲磚墻內外多植本土所宜樹木至關外羣山
循化志

卷六

祠廟

七

叢萃人情蠢悍雖前隣循化新營兩旁村落寥寥
今止有僧四名每名官給銀八兩以爲衣食前後
向無居人以臣愚見宜延戒行高僧爲住持優其
養贍使多募徒衆添置法器查歲徵番糧每年約
有千石卽以此項量其所需就近撥給臣與撫臣
許容計議意見相同伏乞

勅令委員詳勘酌量增修庶幾萬里安瀾共享奎文之
煥千秋隆祀益昭俎豆之光謹奏
閏四月初二
日奉

旨着交巡撫許容照王潯所請行

御書扁額候頒發欽此乾隆元年二月河州詳土墻現在並未損壞緩俟數年再爲估換磚墻其廟內外應植樹木今值春融可種之時將榆柳松栢廣爲移植至廟內原住青衣僧四人不通番語土番不能信服今另選黃衣僧堅叅八些堪應首僧并徒衆一十九名每歲給首僧口糧八石徒衆每名六石共一百二十二石在於河廳歲徵番糧餘剩糧二百五十二石零內按年支銷又每歲給香蠟銀

循化志

卷六

祠廟

八

二十四兩以資供奉又給首僧每年衣單銀四兩徒衆每名二兩共六十六兩在本州公項銀內按年支銷又添蓋僧房除舊房六間添建一十九間需銀三百一十八兩零又添置法器需銀十五兩零均在司庫公用銀內動銷經司覆准詳院具題

廳卷

按福佑安瀾扁額廟記已云

御書而十三年王太常復行奏請蓋十年雖有此旨猶未頒發也今墻垣尚未易換以磚樹木亦寥寥

歷年已久剝落傾圯理宜重修余方詳請會去
任遂不果云

御製匾額一面

御製廟記碑一統碑亭一座

御製祭文碑一統碑亭一座共估銀三百一十兩零

十三年部減銀十五兩零

州卷

火帝廟在東門甕城內未詳何年建

子孫娘娘廟在關帝廟西未詳何年建

馬神廟一在廳署內土地祠東一在文廟西

循化志

卷六

寺院

九

土地祠在廳署內東偏

馭神廟在廣濟倉內

獄神廟在廳署監內

寺院

河州口內外寺院多屬番僧皆中馬之族也其小寺
亦由大寺所分故皆爲廳轄當時所收番糧卽爲齋
僧之用各照度牒名數分領口糧衣單由廳給者凡
二十一處口外二處河源廟及哈家寺也口內十九
處凡奏銷冊籍及每年喇嘛開除事故冊俱由廳開

造自二十七年移駐循化以口內僧人出口領糧不便兌抵兵糧而口內十九寺俱歸河州領糧其冊遂由河州開造廳卷遺失甚多而僅存歷年行催票稿或多或少書胥任意所開具文而已十九寺名目遂不可考河州之冊乃十八處亦與十九之數不合其度牒名數乾隆十二年卷稱各寺院喇嘛四百八十七名每名應支一年衣單口糧一石六斗共支口糧七百七十九石而二十八年卷稱口內外各族寺喇嘛四百八十一名請領度牒四百八十一張又與前

循化志

卷六

寺院

十

異河州冊又云四百六十五名或除口外二處不計然河源廟二十名哈家寺十六名核之數亦不合也其每寺分析之數廳卷尤參錯今以州冊爲主而附錄廳卷之不同者以備考二十一處之外各番寨皆有寺卷中間有繳銷度牒之狀既有度牒自當有額數而冊籍俱亡亦無存考其多少矣

永昌寺在珍珠族韓家集廳治東一百五十里喇嘛

三十一名

二十八年卷珍珠族有寺四座僧一百九十二名有都剛按今可見者永昌普剛二

寺其餘二寺未知何名也

河州誌明初建規模壯麗有僧世襲香火地百餘頃明永樂十四年賜眞修禪師銀印勅書國朝頒賜番國師印并勅書

按韓羅漢履歷永昌寺建於明正統六年九年賜名普剛寺建於明洪武二十五年宣德二年賜名普剛之建在前永樂之賜印勅乃在普剛二寺統於一僧故志誤以爲永昌也

雍正四年都統達鼐總兵官周開捷出口安番沿途詢訪查得西甯河州寺族喇嘛之類舊有印勅

循化志

卷六

寺院

十一

稱爲國師禪師者甚多會同條奏經議政大臣議覆查達鼐等奏稱收取喇嘛等國師禪師印勅甚是但所稱酌量伊等効力等級給與空銜俸祿之處查番族喇嘛如何効力理藩院無檔案可查去歲議政議覆岳所奏將西番人等照內地民人交與各地方官量其地畝徵收起科此項錢糧應交何員料理并應設放何等土司番人姓名及所收錢糧數目令岳核查明確各造檔案報部其各寺廟喇嘛等衆按其寺廟大小酌定數目給與度牒

仍交地方官將所收番糧每年給與口糧并衣服銀兩按時添給勿令失所等因議奏行文在案總督岳尚未查核明確今所稱給喇嘛空銜之處即便定議應交總督岳散秩大臣達將此案所領國師禪師印務概行查收如何給與空銜之處一併詳議具奏之日再議於雍正四年十二月初一日轉奏奉

旨依議都統達總兵周即於雍正五年正月親往各寺

廟殿莊等處查明族殿委充鄉約里長并飭行營

循化志

卷六

寺院

十二

汛地方官弁查收本朝以及明季伊等原領國師禪師印勅誥命圖記等項呈驗給發西甯鎮標中軍遊擊彙齊造冊解送甘肅布政司轉解繳部隨□明總督岳飭令地方官清查寺殿原種田地歸人版籍與民一例起科

廳卷

按此雍正十一年青海都統所咨巡撫原文內詳述安插番族原委令節錄大畧於此其岳總督覆廳卷無存今各寺有都剛頂戴大小不一則當時所議給與空銜者也喇嘛之給口糧亦

自此時

普剛寺在珍珠族韓家集廳治東一百五十里喇嘛三十五名

馬營寺在靈藏族馬營集廳治東北一百四十里喇嘛二十二名二十四名有都剛卷四

州北百四十里住持僧世襲禪師

國朝頒賜勅印 河州志

按明史西域傳大國師給誥命銀印秩正四品禪師給勅命銀印秩正六品

循化志

卷六 寺院

十三

國初蓋沿明舊未及更正至雍正時始革除云

鴻化寺在鴻化族廳治東北一百四十里喇嘛五十

七名廳卷度牒六十座二十八卷宏化族寺院按雍正

七年冊有普音淨慈廣慧龍覺祈善五寺餘未詳

按寺本名宏化上一字

今上御名也今改為鴻化或稱洪化

州北八十里明正統六年勅建有僧世襲香火地百餘頃賜鸞駕及金印珍珠傘孔雀扇

國朝頒賜勅印 河州志

雍正四年鴻化顯慶二寺世襲國師張洛住堅錯
呈明永樂十二年差太監侯顯詣烏斯藏請大慈
法王路由河州其從張星吉藏卜跟隨入京正統
四年法王圓寂勅建滲金銅塔藏其佛骨七年奉
勅河州建寺賜名鴻化隨給附近之高山窮谷永
作香火之需設官僧五十五名其星吉藏卜之徒
裔世給國師禪師之職

廳卷

按此則寺建於正統七年志云六年誤也又考
明史烏斯藏傳侯顯詣烏斯藏在永樂元年非

循化志

卷六

寺院

十四

十二年所迎者番僧哈立麻後封大寶法王非
大慈法王也大慈法王名釋迦也失自以十二
年入朝非迎之也明年命爲妙覺圓通慈慧普
應輔國顯教灌頂宏善西天佛子大國師賜之
印誥十四年辭歸宣德九年入朝帝留之京師
命成國公朱勇禮部尚書胡濙持節冊封爲萬
行妙明眞如上勝清淨般若宏照普慧輔國顯
教至善大慈法王西天正覺如來自在大圓通
佛正統元年禮官奏汰番僧命大慈法王如故

史不言其所終蓋卒於京師如廳卷所云

乚藏大寺在乚藏族廳治東一百四十里喇嘛六十

九名二十八年卷乚藏族寺六座僧三百六十名有昂賁按今可知者乚藏哈東二寺餘未詳

州西六十里明勅建規模宏敞每逢四月八日遠

番男婦朝謁多帶土產牛馬皮纓等物與州民互

市河州志

哈東寺在乚藏族喇嘛九名

冰林寺在鴻化族廳治東北一百九十里喇嘛二十

九名廳卷度牒一十五張

循化志

卷六 寺院

十五

丙靈寺即冰林寺在河州北六十里唐建下臨黃

河琢山石為佛高十餘丈地產檀香有泉清冽異

常一統志

州北六十里上冀雲表俯臨黃河琢山石為佛立

者高十餘丈卧者長數丈上中下各八洞石成五

彩地產檀香異藥泉水灑落清人心脾每遇孟夏

季冬八日遠近番族男婦來遊唐之古蹟也明御

史立碑云天下第一奇觀河州志

紅崖寺在紅崖族喇嘛六十一名

端言寺在端言族喇嘛三十六名

仰化寺在仰化族

墩平寺在紅崖族喇嘛一十名

牙塘寺在牙黨族喇嘛三名上寺五名下寺六名卷廳

度牒
五張

吉祥大樂寺在老鴉族廳治東一百二十里喇嘛三十名

按河州冊謂之貧力觀吉祥大樂寺而乾隆十六年廳卷別有貧力觀寺分爲二寺誤也周圍

循化志

卷六 寺院

十六

編籬爲藩以防虎患故呼笆籬寺今訛曰巴里環寺居者喇嘛約有六十餘家爲河州入循化孔道西距老鴉關里許官吏往來多尖宿於此川撒寺在川撒族喇嘛十名

顯慶寺在河州城中喇嘛三十三名廳卷度牒
三十五張

按寺在州城而亦錄之者以其爲鴻化寺之下院也故前張洛住堅錯稱爲宏化顯慶二寺世襲國師今亦屬於都剛云

重建顯慶寺碑記自佛之來西域也河湟實爲首

被教化之地琳宮金剎與大夏水相望者多如星
碁若論古蹟必堆顯慶寺爲最遠唐宋時累建高
封今不能詳其法典迨元末止傳小天竺之名而
雲松水碑大要非舊矣明初永樂中尊崇釋典勅
詔烏思藏大慈法王入講旋朝時仍令住持奉命
修理太監侯顯董其事特造金粟迦葉十六像金
篋上乘經二藏宣德二年工竣道場中有甘露隆
松祥光照水之瑞督工者上其事因賜名顯慶焉

天闕字

一四年一加聖飾崇禎三年再爲修治至

循化志

卷六

寺院

十七

今上順治五年逆回之變竟肆侵毀予自提兵于廓清
之後曾過其地住持林札思巴備述興發之由予
嘆息者久之因捐金率屬下同文武官員助資成
事復舊日之金壁照上世之花燈水月雲山俱爲
改色予曾聞普門品中有曰以天大將軍得度者
即現天大將軍身而爲說法予雖從事于疆場而
皈依一如初志古人云刀劍之中亦有佛性故韋
馱羅揭其初皆武人而後聞道今日重建之功雖
不敢比於三乘大毘盧亦可以同於九級小浮屠

矣因書其事鏤之石凡生斯土者永受吉康長獲甯謐後日所謂太平民者皆宜考於斯文順治歲在庚寅菊月穀旦

碑在寺中

按撰文姓名字已磨滅庚寅爲順治七年碑中從事疆場云云當爲提鎮大員疑爲靖逆將軍張勇也

按以上口內十五寺不足十九之數河州冊無仰化寺而有昂貧寺喇嘛五名巴咱寺喇嘛三名麻藏寺喇嘛七名葱灘寺喇嘛四名合前十

循化志

卷六

寺院

十八

四寺又止十八寺仰化既有番糧其寺僧自應一例給與口糧蓋州冊偶脫也昂貧麻藏不知其處巴咱葱灘據雍正四年卷顧署廳已詳二族在岷州故今廳屬無此二族名目何以有寺且旣無香火田地納糧何以反給寺僧口糧皆不可解

哈家寺在甘家寨廳治南二百里喇嘛十六名

二八年十

卷僧三十二名

按此寺廳中每年造冊千戶所管度牒十六張

有故徒衆頂補不繳銷在廳領糧

古雷寺在起臺溝古雷莊

邊都寺在邊都溝旦麻莊

上隆務寺在上隆務莊

下隆務寺在下隆務寨曲卜藏莊

黑作寺在黑作寨廳治南二百八十里

按今呼黑錯寺番名札木喀爾寺據拉卜楞呈
又稱爲加卡爾寺

康熙二十一二年間土官喇嘛益錯却合旦建雍

循化志

卷六 寺院

十九

正二年該番投誠始歸廳轄寺內住持前爲蒙古
親王代慶和碩齊於西藏請噶爾旦胡圖克圖卽
夕只喇嘛未詳年分是爲該寺法臺之始其後夕
只喇嘛赴藏物故至乾隆十三年始以拉卜楞寺
僧在黑錯寺坐床管事至三十七年前後共選七
人嗣黑錯僧俗聞夕只轉生出世在松潘地方而
拉卜楞寺所放法臺又作踐滋擾心懷不服遂於
松潘請喇嘛坐牀管事而拉卜楞寺僧加木樣又
名札木養不甘於三十七年八月呈控青海都統

伍同知張春芳未及細查但照舊令拉卜楞寺選放黑錯不遵拉卜楞寺僧又控都統委大喇嘛索克本通事劉福才會同張同知審斷令各管各寺其法臺仍由黑錯自行延請詳批完結其後都統伍離任加木樣又翻控委河州葉中候補知縣黎珠同青海員外卽百於三十九年十二月詣黑錯查訊因該寺有當年蒙古親王改建之說議令法台由郡王選放不得仍放拉卜楞寺僧而加木樣不遵斷出結復控督憲四十一年委署蘭州府康

基田前同知張春芳署同知謝桓會審議以黑錯寺與拉卜楞寺蒙古喇嘛本無干涉番民公共香火延請法臺自應聽從民便加木樣本不得違衆強爭而該處寺院僧俗悉屬內地糧民蒙古喇嘛尤不得公然爭控其所執印照一爲康熙三十七年達賴喇嘛給盆錯口合旦之物拉卜楞旣代管多年何難竊取而託之前生相好佈施不知死後照存何處轉生又何以偕來妄誕已甚一爲乾隆二十九年章嘉呼圖克圖所給內載西北蒙古部

落東南至松潘並喀加六族皆屬管內今查訊喀加二十一寨寺廟並無該寺放法臺者一爲乾隆十三年蒙古親王汪克楚所給其中以朝廷糧戶屬之喇嘛尤屬不合應請照前次西甯大喇嘛所斷各管各寺各具譯結存案並咨明理藩院立案批准飭遵并咨青海大人飭郡王追銷執照加木樣未遂所欲以審斷不公復控青海移咨查訊四十二年飭謝同知傳喚兩造赴省而謝桓擅帶官兵二千人將黑錯僧俗誘獲解訊以致黑錯畏懼

求和仍令加木樣選放法臺移咨青海勒石飭遵然終不能服黑錯之心因轉生之夕只喇嘛尚幼隱忍十餘年至五十四年遂自放管事逐出拉卜楞寺所放法臺加木樣又控經廳管會稟飭司查案議詳以黑錯僧俗七百餘戶久隸循化廳管轄耕田輸賦爲內地戶民拉卜楞寺係蒙古郡王所轄何得以外服喇嘛思將內地糧戶佔爲己有且寺內法臺乾隆十三年以前不經拉卜楞寺選放則黑錯寺本非拉卜楞所管已可概見所云前生

布施本妄誕之詞果有此情青海之大喇嘛又何
以斷令各管各寺其爲藉端妄爭已無疑義今黑
錯已將舊日法臺之夕只喇嘛仍請入寺是原人
仍歸本寺更無可爭從前謝同知謬斷前司草率
議結以久經咨明理藩院之案忽而翻斷又不咨
明理藩院而私勒石實爲錯謬應照從前各管各
寺咨明理藩院查照並咨青海都統將加木樣嚴
加管束總督批准並出示曉諭兩寺

廳卷

按謝同知卽四十一年同康署府會審之人未

循化志

卷六

寺院

二十二

及一年自行翻案聞當時實有所爲而然蓋拉
卜楞寺本豪富也此案自三十七年至五十五
年七月始結凡十九年今加木樣已死爭端庶
幾永息矣

按以上口外六寺凡番寨皆有寺惟哈家寺領
糧而餘無之然度牒名數亦必領於廳乾隆十
一年卷報明下則蓋寺波喇寺喇嘛二名病故
十四年卷白石崖寺報稱本寺領過度牒八十
名波喇寺報稱本寺領過度牒三十三名既有

度牒皆官寺矣然皆將病故者度牒繳銷則是無定額非如領糧諸寺之按名頂補者也廳卷無底冊其名目多少俱不可考惟十三年行催票稿內開火裡橋溝寺珍珠寺神禪寺馬里巴寺文過寺黃蓋寺還蓋寺思昂路哈里巴寺白石崖寺上南喇寺下南喇寺哈家寺合錯寺咱又寺思計常綱寺波喇寺哈家高達寺羣駝寺波合擦寺果蟒寺下則蓋寺綱擦寺火龍寺寧巴寺龍卧寺都綱寺貧力蓋寺旦麻寺何家寺

循化志

卷六

寺院

二十三

薛廠寺邊塚寺青稞兒寺凡三十二寺其與寨名同者卽各寨之寺其餘則不知其處矣

回民大小村莊各建清真寺以爲禮拜之所四十六年逆回變後新教之寺全行拆毀其舊者亦不許添建年終取管寺鄉約甘結存案五十四年因西甯蘓代原之案嚴飭回民各歸本村之寺誦經不許另赴別寺禮拜十二月同知台裴英阿造冊閣屬禮拜寺共五十九座內大寺九座小寺五十座回約五十九名

本城大寺一座在文廟西

崖慢張哈工大寺各一座一在崖慢莊一在張哈莊

小寺十二座 朱格莊 思我家莊 衣力蓋莊

鉄木什但莊 三近莊 立倫上白莊 下白莊

里章莊 羊拉莊 拉邊莊 查漢克莊 札木莊

清水打速古工大寺一座在河東莊

小寺四座 河西莊 紅莊 打速古莊 瓦匠莊

孟打工大寺一座在孟打莊

小寺四座漢坪莊 貧同莊 他撒坡莊 木廠莊

循化志

卷六

寺院

二十四

草灘壩街子工大寺一座在街子莊

小寺十座古節列莊 孟打山莊 偏度莊 定匠

莊 脫巴石坡莊 西溝莊 漢坪莊 草灘壩莊

瓦匠莊 沙坡莊

查家工大寺一座在羊窟窿莊

小寺十二座 果什旦上莊 果什旦下莊 窩迭

根上莊 羊巴雜莊 波拉黑莊 蘓哇什莊 白

拉黑莊 波立只莊 乙麻木莊 牦竜度莊 何

家莊 乙麻木上莊

蘓只工大寺一座在蘓只莊

小寺六座 蘓只小莊 乙麻木黑莊 乙麻木小

莊 哈莊 別列莊 別列哈莊

查漢大寺工大寺一座在下莊

小寺二座 上莊中莊

按各寺惟街子工大寺爲撒喇回民祖寺其餘皆後來添建之也回俗有大小禮拜之日小禮拜在本寺大禮拜則歸於街子工大寺今雖奉新例然尚未盡革云

循化志

卷六

寺院

二十五

拉卜楞寺在甘家寨青海蒙古郡王所轄

按拉卜楞寺番名札木竒爾寺在廳地而非廳所屬僧衆雜遯倚特郡王之勢屢與各番爭地控案不一而足又招內屬番族爲其所屬或藏匿亡命此循化腹心之一害也當令拆毀於蒙古界別建寺宇不許在內地以絕後患拉卜楞卽拉布楞番語也

乾隆四十二年

賜名

人物

忠孝節義不必擇地而生循化雖僻處邊外豈無其人顧番回不知書無能言其事者遂不可考其可見者得三人焉陣亡士兵皆歿於王事者也詳列其名以示勸若夫列女則虛無人馬余聞逆回韓二個之母某氏保安屯番女也二個有逆志母苦誠不從及事起投河死審若是可謂賢母也已而或又以爲非實故不立傳附書於此以俟考

韓完卜珍珠族人始祖韓哈麻明初歸附授河州衛

循化志

卷六 人物

二十六

鎮撫世職完卜於萬歷十八年襲火落赤入犯經畧尙書鄭洛令招復生番阿立等一百餘族納馬千餘四十九年從固原總兵尤繼先於莽刺州南山搗其部落阿卜列帳斬首二百二十餘級清兩川二十四年隨臨鞏道副使張某由土門關至莽喇川火落赤及昆都魯歹成巢六親斬酋首一級部下斬首二十餘級陞授指揮僉事二十六年委理叅營右哨千總事二十八年收降番川藏六卜等男婦二千一百餘人三十年領兵於昆都魯遇虜斬首六十二級九月

火落赤與相二奠入犯領兵禦之斬首二百一十三級三十七年率番民焚虜橋戰於杓瑞城斬首六十餘級陞授指揮使七月委署河州衛印十二月推陞甯夏石空堡守備三十九年告病甯夏巡撫崔某留四路叅將四十年復以病辭回衛明末卒

按完卜事跡不見於史傳獨家藏履歷一通紙黑淡舊蓋明時故物也歷叙功蹟督撫按會薦者凡十餘次其中有云威信孚孚三軍清操嚴於一介又云渾身是膽滿腹皆兵提劍一呼而

循化志

卷六

人物

二十七

三軍鼓勇奮臂百戰而羣虜敗奔雖不無溢美之嗣要實當時土司之傑出者也今正之以明史錄其大畧於此

韓成璘完卜五世孫乾隆三十一年襲指揮使四十六年撒喇族回民滋事蘭州府知府楊士璣赴循化成璘從行塗次起臺堡蘓四十三韓二個作亂攻堡破之士璣遇害成璘手刃數人力不敵賊縛而殺之家丁楊殿甲從死事聞賜祭葬入祀忠祠

四十七年二月禮部題定例士官陣亡者除給卹

銀外照綠營例減半給祭葬銀兩一體入祀昭忠祠行查籍貫出兵事跡交翰林院立傳將兵部單開之三品士官河州指揮使韓成璘一員給與減半葬銀一百五十兩咸半祭銀八兩陣亡千總空銜頂帶士官韓光英一員下孟董行營空銜頂帶屯把總阿葱一員傷亡之九子寨空銜頂帶屯把總福星一員兵部照八品官例議給卹賞臣部亦照八品士官例各給減半葬銀五十兩減半祭銀三兩均交工部製造牌位入祀昭忠祠行文兵部循化志

卷六

人物

二十八

查明籍貫事蹟造冊交翰林院立傳單開之陣亡土兵韓五十六等三百十名傷亡土兵韓五十三等五十六名陣亡外委舍拉等四名陣亡屯兵各斗太等五十七名傷亡屯兵色打思甲等十三名俱係兵丁例不給祭葬銀兩仍交工部一體製牌位入祀昭忠祠行查籍貫出兵事蹟交翰林院立傳奉

旨依議

廳卷

兵部卹賞照三品士官例賞銀二百五十兩加銜

一等令伊子承襲一次仍以本身應得土職照舊
管事俟再承襲時將所加之銜註銷

廳卷

韓光英撒喇族崖慢工人土都司韓玉麒之子也乾隆四十六年三月蘓四十三等作亂殺河州協副將新柱光英奉文領土兵赴白莊救護救回帶傷兵丁七人賊既破起臺堡遂至河州光瑛搜捕逆黨累日凡殺賊五十四人獲韓亥提卜等及蘓四十三等之家屬五十六人給土千總職銜四月調赴蘭州勦賊出戰得勝總督將軍欽差各賞緞疋數日又戰奮勇循化志

卷六

人物

二十九

先入陣亡事聞賜葬祭入祀昭忠祠

兵部卹賞照八品土官例賞銀五十兩毋庸給與

加銜

廳卷

子韓應龍年十七歲蘭州道圖赴循化以其父効

命疆場給委廕生土把總職銜

廳卷

查六十五 查六十四 查瞎三盈 查四十九

查六個 查四十三 查二哇 查一提八拉 查

三哇 查一七布 查胡才印 查哈六十 查哈

達五 查六十 查銀個 查六十八 查五十四

查六士阿五 查六個 查四十五 查黑薩查

五拉五 查三十六 俱撒喇族查家工人

韓五十個 韓三個 韓五十九 韓六十五 韓

四十八 韓五十四 韓六十 韓乜山伯 韓尢

拉五 韓阿子乃 韓主麻 馬三哇 俱撒喇族

蘓只工人

韓徐連面 韓三十八 韓五十八 韓六十 韓

二哇 韓六十三 韓五十四 俱撒喇族清水工人

馬八個 馬二哇 馬三十九 馬阿五個 馬地

循化志

卷六 人物

三十

連之 馬三個 馬尢三 馬三十八 馬八個

馬五十八 馬海薩 韓四十三 韓一四卜 馬

且令 韓三十六 俱撒喇族別列工人

韓五十六 韓六十 韓三十八 韓泥牙思 韓一

希布 韓阿立 韓四十八 馬奴來 馬四十九

馬十四 馬四十五 韓六十九 韓五十九 馬

哈六十 馬老二 馬四十三 韓四十九 韓三

十 韓四十 韓麻四個 韓四十 韓六個 馬

哈個 韓四十八 馬哈薩 韓四十五 韓八十

三 韓麻慶韓六十七 韓四十六 韓六十七

韓五十三 韓四十個 韓一西卜 韓哈拉五

韓五十三 馬五十八 馬黑薩韓阿右都拉

韓七十三 俱撒喇族街子工人

馬二個 馬三十九 馬作南 馬五十八 韓四

十 韓八十個 馬虬山伯 馬三個 馬四十

馬三十八 馬四十 馬虬山伯 俱撒喇族崖慢

工人

韓三個 韓五十 馬三十九 馬黑薩 馬克加

循化志

卷六

人物

三十一

五 馬六十八 馬挖匠馬四個 馬三個 馬

木薩 韓尕六個 馬一四佈 馬丁甲 馬卓麻

兒 馬蘓拉面 馬四個 韓班五 韓尕六十

馬卓南 俱撒喇族張哈工人

馬總練 馬阿的蓋力 馬四個 馬東卜 馬才

令 馬一提八拉 馬外加 馬克加五 馬虬山

伯 馬外加保 馬虬山伯 馬地連之 馬克加

五 馬外加保 馬必加戶 馬尕六十 馬三十

馬一提八拉 馬三十 馬三十九 馬阿海的

馬虬山佾 馬胡卽 馬尃六十 馬麻路乎馬
克加五 俱撒喇族查漢大寺工人

馬六十八 馬達五子 馬一卜拉什 馬一希布
馬一四甫 馬四個 馬尃三 馬四個 馬尃拉
馬八十三 馬那怕 馬阿路吉 馬尃三 馬五
十三 馬六個 馬卜胡的 馬木薩 馬三三九
俱撒喇族孟打工人

格卜課懷恨 完吉 如利都拉 俱保安屯人

以上一百七十六名俱於乾隆四十六年四月調赴

循化志

卷六 人物

三十二

蘭州勦新教逆賊至六月內陸續陣亡者

兵部卹賞每名各賞銀二十五兩凡一百七十五
名共銀四千三百七十五兩外頭二三等傷兵共
銀二千七百二十兩 廳卷

按一百七十六名而卹賞止一百七十五名無
蘓只工馬三哇一名蓋廳造冊時漏之也

四十六年八月總督李奏請以新教逆匪所遺田
土賞給陣亡士兵之家屬委蘭州道圖來循化清
查勻撥九工新教共九百七十六戶遺存籽種地

共二百三十四石零額糧十七石零合畝四千六百五十一畝內土千總家屬賞地二石九斗合畝二十四畝五分土兵三百三十五名家屬分賞地六斗九升合畝十三畝九分

按名數不符者考廳卷土司韓昱韓光祖於六月稟稱陣傷亡土兵共三百八名而奉檄內開止一百七十六名較少土兵一百三十二名何處遺漏懇祈行查經布政司福批此案係欽差公中堂阿按名具奏今少一百三十二名殊不

循化志

卷六 人物

三十三

明晰但此係格外優典前已賞給地畝卽果有漏造亦不便補請據此則奏請時有遺漏或以其多而刪減之均未可知但分給地畝三百三十五名而稟內云三百八人又未詳其故其一百三十二人同死王事而不獲卹賞名更不可沒也補錄於後

查五拉五 查辛加五 查青木 查哈個 查傳

哈口查五十四 查五慢 查朶六十 查外加

查三十四 查三十九 查木薩 查木撒 查哈

個 查胡三印查青科查青加卜 查五十八

查哈三 查辛加卜 俱撒喇族查家工人

韓尢拉五 韓二個 韓五個 韓哈西木 韓尢

三 韓他路乎 馬四十六 韓邦五他力 韓阿

卜的拉 韓八力個 韓作南 韓三十個 韓五

十六 韓貧南 韓青禾 韓老沙韓四十韓

丁加五 韓麻亥買 馬尼牙四 韓四十八 儀

撒喇族蘓只工人

馬五十八 馬八個 韓八十 馬五十 馬三十

循化志

卷六

人物

三十四

馬老沙 馬五拉五 馬尢四個 馬一提八拉

馬達五提 馬丁甲 馬麻路乎 韓三十 何八

十 馬五個 韓克加五 馬揚加保 韓一提巴

拉 俱撒喇族別列工人

馬尢個 韓八十個 韓三十八 韓三十 韓三

十九 馬四十 馬二個 馬三十九 馬尢六十

韓四十三 韓六十五 韓八十三 韓四個 韓

五十 韓三個 馬六十 韓那木 韓邦五 俱

撒喇族清水工人

馬牙黑牙 馬虬山伯 馬外加 馬杜加 馬外
加 馬八力個 馬七十 馬哈三 馬三個 馬
一提巴拉 馬木撒 馬海薩 馬阿五 馬木撒
馬哈三 馬拉亥木 馬克加五 馬杜口伯 馬
作南 馬老沙 馬哈拉五 馬阿卜都拉 馬八
十三 馬忙尕 馬八力個 馬撒的 馬老海加
馬阿五個 馬沙的亥馬哈力加 馬和尚 馬
克加五 馬三個 俱撒喇族查漢大寺工人
馬三十九 馬四十五 馬四麻恨 馬外加保
循化志

卷六 人物

三十五

馬三十三 馬四十五 俱撒喇族章哈工人
馬四十三 馬四十五 馬海薩 馬牙亥牙 俱
撒喇族崖慢工人

馬加三撒喇族孟打工人

馬四十九 韓五買力 韓五十 韓一素 韓七

十 韓尕西木 韓奴力 韓八十 韓四十八

韓三十七 韓二個子 俱撒喇族街子工人

以上一百三十二名俱於乾隆四十六年四月調赴
蘭州勦新教逆賊至六月內陸續陣亡未獲恤賞者

馬七個 韓哈三個韓達個 韓哈拉五 韓三
十五 韓八十三韓滿舟 馬五十 韓瓦匠
韓黑撒 馬五十六 馬三十八 俱撒拉族人
以上十二名俱於乾隆四十九年調勦鹽茶逆回自
六月至七月在底店石峯堡陸續陣亡者

兵部卹賞每名賞銀二十五兩共銀三百兩 廳卷

按土司領狀共領銀三千一百三十六兩零其
中蓋有受傷頭二三等之賞然不應若是之多
而廳中並無底冊莫可考証此十二名亦據土
循化志 卷六 人物 三十六
司稟內清單開之爲時未久卷已不全當時辦
事可知矣